

Annertunerusu- mik kinguaassiutit pillugit misissueqqissa- arneq



Napparsimanut paasissutissat

Ilinniutiguk, illit annertuumik kinguaassiutitigut
misissueqqissaarneq tuniniaaffiqineqaruit napparsimavit
misissorneqarneranut imaluunniit
katsorsarneqarneranut atatillugu.

Imarisai

Timip sananeqaataanik kingornunneqarsinnaasunik annertuumik misissueqqissaarneq pillugu napparsimasusunut paasissutissiineq	1
Timip sananeqaataanik kingornunneqarsinnaasunik annertuumik misissueqqissaarneq pillugu napparsimasunut paasissutissat	3
Iluaalliuutit suuppat?	3
Timip sananeqaataanik kingornunneqarsinnaasunik annertuumik misissuineq suua?	4
Misissuineq qanoq ingerlanneqartarpa?	4
Inernerit suut pissarsiarineqarsinnaappat?	4
Illit aalajangigassatit	5
Peqqissutsimut tunngatillugu misissortinnermi annertuumik nappaammik nassaarfigitinneq	5
Misissortinnerup qanigisannut qanoq sunniuteqarnissaa	6
Ilisimasat nutaat	6
Paasissutissat illit timivit sananeqaataanut kingornunneqarsinnaasunut tunngasut pillugit aalajangiisinnaanerit	6
Paasissutissanik timip sananeqaataanut kingornunneqarsinnaasunut tunngasunik toqqorsimasuuteqarneq aamma paasissutissanik isumannaatsuutitsinissaq	7
Attaveqarnissamut paasissutissat	7
Nationalt Genom Center suua?	9
Paasissutissat illersornissaannut siunnersorti	9
Paasissutissat illersornissaannut siunnersortip attavigineqarnissaanut paasissutissat	10
Paasissutissat ilinnut tunngasut suut pissarsiaaravut?	10
Paasissutissat illit timivit sananeqaataanut kingornunneqarsinnaasunut tunngasut sunik imaqarpat?	10
Peqqissutsimut tunngatillugu paasissutissat sunik imaqarpat?	11
Paasissutissat pillugit paasissutissat sunik imaqarpat?	11
Inuup normut sumut qanorlu atortarparput?	11
<i>Referencegenom suua?</i>	11
Qanoq sivistutigisumik paasissutissat ilinnut tunngasut toqqorsimasuutigissavavut?	12
Paasissutissanik ilinnut tunngasunik suliaqarnermi suna siunertaava?	12
Napparsimasunik katsorsaanissaq siunertaralugu paasissutissat ilinnut tunngasut suliarineqarnissaat qanoq paasisariaqarpa?	13
<i>Nappaatip kingornuttakkap suussusersineqarnera</i>	13
Kisitsisitigut paasissutissanut ilisimatusarnermulluunniit atatillugu misissuinerit siunertaralugit paasissutissanik ilinnut tunngasunik suliaqarneq qanoq paasisariaqarpa?	13
Paasissutissat ilinnut tunngasut kikkunnut ingerlateqqissavavut?	14
<i>Suleqatigisartakkat paasissutissanik pissarsisartut</i>	15

Paasissutissat ilinnut tunngasut takunissaannut pisinnaatitaaffit	16
Paasissutissat ilinnut tunngasut aaqinneqarnissaannut peerneqarnissaannulluunniit tunngatillugu pisinnaatitaaffik.....	16
Paasissutissat ilinnut tunngasut killilimmik suliarineqarsinnaanissaannut tunngatillugu pisinnaatitaaffik.....	16
Akerliliissuteqarnissamut pisinnaatitaaffik.....	17
Naammagittaalliornissamut pisinnaatitaaffik.....	17
Paasissutissanik ilinnut tunngasunik suliaqarnermut tunngatillugu inatsisitigut tunngavigneqartut pillugit paasisaqarnerorusupit?.....	18
Ilanngussaq 2: Ilisimatusarnermut atatillugu illit aalajangiisnaatitaanerit	20

Pingajussaanic saqqummersitaq

Atuakkiortoq, saqqummersitsisoq akisussaasorlu: Nationalt Genom Center

Piginnittussaataasooq: Nationalt Genom Center

Saqqummersitaq: 3.0 (1. januar 2024-miit atuutilersooq)

Ulloq saqqummersinneqarfia: 21. december 2023 – format: PDF

Timip sananeqaataanik kingornunneqarsinnaasunik annertuumik misissueqqissaarneq pillugu napparsimasunut paasissutissat

Nappaammut tunngatillugu misissorneqarninnut katsorsarneqarninnulluunniit atatillugu timip sananeqaataanik kingornunneqarsinnaasunik annertuumik misissuiffiqeqqissaarneqarnissannut neqeroorfigissallutit naleqquttusoq nakorsaq naliliisimavoq. Taamatut timip sananeqaataanik kingornunneqarsinnaasunik misissuinermik ilaqartumik katsorsartikkusunnerlutit nammineq aalajangissavat. Kissaatigigukku allakkatigut akuersissaatit, tamatumalu peqatigisaanic qanoq uterfigineqarusunnerlutit aalajangissaatit.

Iluualliuutit suunerat qanorlu pisoqassanersoq pillugit ataani paasisaqarnerussaait, tamatumalu kingorna timip sananeqaataanik kingornunneqarsinnaasunik misissuinermik ilaqartumik katsorsarneqarnissamut (akuersinermut immersugassaq) akuersillutit paasititsereruit aalajangigassatit pillugit ataani paasisaqarnerusinnaavutit. Uku allakkat oqaloqatigiinnermik ilaqassapput, tassani apersorsinnaavutit. Paasissutissat sukumiinerusut aamma videut paasissutissiisut uani nassaarisinnaavatit: [Information til patienter, der skal have foretaget omfattende genetisk analyse \(ngc.dk\)](#).

Iluualliuutit suuppat?

Timip tamarmiusup sananeqaatai (celler) kingornuttakkanik imaqarpoq. Taakku kingornuttakkat aamma DNA-mik taaneqartarput. Timerput qanoq ineriartorsimanersoq aamma qanoq isikkoqarsinnaanerput timilu qanoq sulisarnersoq DNA-mi takuneqarsinnaasarput. Timit sananeqaataat kingornunneqarsinnaasut (gen) DNA-tta ilagaat. Sananeqaatit tamarmik 20.000 missaannik geneqarput. Sananeqaatit tamarmik assigiinningsunik atuuffeqarput, taakkorpasuilli ilaat suli ilisimangilavut. Genit illuatungeriinniit aallaaveqakkajuttarput - tassa angajoqqaanit, anaanamit ataatamiillu. Inunni tamani genit (allanngornerit/allanngornerit) allanngoriartortarput, taakkulu allannguutit ilaatigut nappaateqalersitsisnaapput.

Timitta sananeqaataat kingornunneqarsinnaasut ataatsit arlallilluunniit eqqortumik sulinnikkaangata timip sannaani sananeqaatit pissutigalugit nappaateqarneq pilersarpoq. Assersuutigalugu timip sananeqaataata kingornunneqarsinnaasup ilaata amigaataanera imaluunniit timip sananeqaataani kingornunneqarsinnaasuni paasisstissat allanngorsimanagerat tamatumani pissutaasinnaavoq. Timip sananeqaatai kingornunneqarsinnaasut inummi allanngoriartulersinnaapput imaluunniit angajoqqaamit ataatsimit tamanilluunniit kingornunneqarsinnaapput. Nappaatip ineriartorneranut sunniuteqartunik timip sananeqaatai kingornunneqarsinnaasut allanngoriartornerat pillugit ilinnut/meeqqannut ilaqtannilu allanut pingaaruteqarsinnaapput.

Allanngoriartornerit kingornussat timimi tamarmiusumi sananeqaatini nassaarineqarsinnaapput, akerlianilli allanngoriartornerit aatsaat pilersut timip ilaannaani nassaarineqarsinnaallutik. Assersuutigalugu allanngoriartornerit aatsaat pilersut, tassa sananeqaatit allanngoriartorpata kræftiusinnaapput. Allanngoriartornerit aatsaat pilersut kønscelleniikkajunneq ajorput taamaalillunilu kinguaanut ingerlateqqinneqarneq ajorput, tassa imaappoq nalinginnaasumik kingornunneqarneq ajorput. Nakorsap illit timinni sananeqaatini kingornunneqarsinnaasuni (gen) allanngoriartornernik ilisimasaqarnera nakorsap ilinnik pitsaanerpaamik katsorsaanissamik siunnersuinissamillu periarfissiisinaavoq. Periarfissaq tamanna uani taaguummiikkajuttarpoq "nakorsaatit inummut tulluarsakkat".

Timip sananeqaataanik kingornunneqarsinnaasunik annertuumik misissuineq suua?

Timip sananeqaataanik kingornunneqarsinnaasunik annertuumik misissuinermi timi sananeqaataanik kingornunneqarsinnaasunik amerlasuunik ataatsikkut misissuisoqartarpoq (genpanel), timip sananeqaataanik kingornunneqarsinnaasunik tamanik ataatsikkut misissuisoqartarpoq (exom- eller helgenomsekventering), imaluunniit timip sananeqaatai kingornunneqarsinnaasut assingi qanoq amerlatiginersut (mikroarray) misissorneqartarput. Timip sananeqaatai kingornunneqarsinnaasut (gen) amerlasuut misissorneqartarluartut taamaallaat aaversinnissat aamma/imaluunniit ipiutaasanit misissugassamik tigusinissaq pisariaqartinneqarpoq.

Misissuineq qanoq ingerlanneqartarpa?

Illit aaversinitit aamma/imaluunniit ipiutaasanit tigusiffiqineqarnissat atorneqassapput. DNA-mit misissugassamik tigusisoqassaaq. Ilaannikkut illit angajoqqaannit ilaqtannilluunniit allanit aaversinnernik misissueqqissaarnissaq iluaqutaasinnaavoq. DNA misissorneqassaaq, tamatumalu kingorna misissueqqissaarneq nakorsap misissuinissamik, inernerit pissarsiariniarlugit iniminisimasup taakku pissarsiarissavai kingornalu attavigiumaarpaatit.

Inernerit suut pissarsiarineqarsinnaappat?

Timip sananeqaataanik kingornunneqarsinnaasunik annertuumik misissuinermi inernerit assigiinngitsuusinnaapput:

- A. Allanngoriartornernik ataatsimik arlallinnilluunniit sooq napparsimalersimaninnik nassuiaatissaqarsinnaasutut nalilerneqartunik nassaartoqarsinnaavoq.

- B. Sooq napparsimalersimaninnik nassuiarneqarsinnaasunik allanngoriartornernik nassaartoqanngilaq.
- C. Allanngoriartornernik ataatsimik arlalinnilluunniit qulakkeerlugu nassuiarneqarsinnaanngitsunik nassaartoqarsinnaavoq. Tassa sooq napparsimalersimaninnik nassuiaasoqarsinnaassanersoq oqaatigiuminaappoq.

Tamatuma saniatigut nappaatinik nassaartoqarsinnaavoq, tassa nappaammut misissortiffigisaraluannit allaanerusumik allanngoriartornernik nassaartoqarsinnaavoq. Taamaattorli nappaat pillugu misissortinninnit allanik nappaatinik allanik misissuisoqalinnginnera erseqqissaatigineqassaaq. Peqqissutsimut tunngatillugu misissortinnermi annertuumik nappaammik nassaarfigitinneq pillugu aamma peqqissutsimut tunngatillugu misissortinnermi annertuumik nappaammik nassaarfigitinneq pillugu utertitsivigineqarnissannik itigartitsinissamut periarfissat pillugit ataani paasisaqarnerusinnaavutit.

Qanorluunniit pisoqaraluarpat inernerit pillugit siunnersorneqarnissat pillugu neqeroorfigineqarumaarputit.

Illit aalajangigassatit

Peqqinnissaqarfimmi napparsimasutut katsorsarneqarusunnerlutit nammineerlutit aalajangissavat. Akuersillutit paasisutissiisimanngikkuit katsorsaaneq aallartinneqassanngilaq imaluunniit nanginneqassanngilaq. Aamma tamatumani timip sananeqaataanik kingornunneqarsinnaasunik annertuumik misissuinermik ilaqartumik katsorsaaneq pineqarpoq. Nakorsarisannut katsorsaasumut saaffiginillutit katsorsarneqarnissannut akuersisimanivit utertinnissaanut periarfissaqartuaannarputit.

Timip sananeqaataanik kingornunneqarsinnaasunik annertuumik misissortinnissat kissaatigigukku allakkatigut akuersissuteqarnissat inatsisitigut piunasaqaataavoq, tamatumalu peqatigisaanik peqqissutsimut tunngatillugu misissortinnermi annertuumik nappaammik nassaarfigitinnermi utertitsivigineqarnissamut tunngatillugu aalajangigassaqarputit¹.

Apeqqutinut taakkununga isummernissannut tunngatillugu pisariaqartumik eqqarsarfissinneqarumaarputit. Timip sananeqaataanik kingornunneqarsinnaasunik misissorneqarnissat kissaatiginngikkukku misissortinnissamut katsorsartinnissamullu periarfissat allat pillugit nakorsannit ilisimatinneqarumaarputit aamma timip sananeqaataanik kingornunneqarsinnaasunik misissorneqannginnivit sunik kinguneqarsinnaaneranik nakorsannit ilisimatinneqarumaarputit.

Peqqissutsimut tunngatillugu misissortinnermi annertuumik nappaammik nassaarfigitinneq

Timip sananeqaatai kingornunneqarsinnaasut amerlasuut tamaasaluunniit misissoraanni allanngoriartornernik ilimagisimanngisaralanik napparsimalernissamut aarlerinaatilinnik nassaartoqarsinnaavoq, taakkuli nappaammut misissortiffigisaraluannut attuumassuteqanngillat. Taamatut

¹ Katsorsarneqarnermut aamma peqqissutsimut tunngatillugu paasisutissanik il.il. ingerlatitseqqittarnermut piniartarnermullu atatillugu paasisutissat akuersinerlu pillugit nalunaarummi 359, 4. april 2019-imeersumi § 2, imm. 5 takuuk.

nassaarnerit assersuutigalugu tassaasinnaapput uummatimikkut napparsimasuni allanngoriartornerit kræfteqalernissamut aarlerinaatilinnut attuumassuteqarsinnaasut.

Akuersillutit atsioruit peqqissutsimut tunngatillugu misissortinnermi annertuumik nappaammik nassaarfigitinneq pillugu paasitineqarusunnerlutit aamma nassaarfigitissaguit sumik nassaarfigitinninnut tunngatillugu sumik paasitineqarusunnerit pillugu isummertussaavutit. Tamatumani nappaat peqqissutsimut annertuumik sunniuteqartussatut nakorsap naliligaa taamaallaat tassani pineqarpoq, tassa imaappoq pinartumik napparsimalernissamut aarlerinaatilittut naatsorsuutigineqartoq tassani pineqarpoq. Napparsimasut ilaat nappaat pinaveersaartinneqarsinnaappat katsorsarneqarsinnaappalluunniit taamaallaat utertitsivigineqarusunnerusarput. Napparsimasulli allat peqqissutsimut tunngatillugu misissortinnermi annertuumik suugaluartumilluunniit nappaammik nassaarfigitikkaangamik utertitsivigineqarusuttarput, aamma nappaat pinaveersaartinneqarsinnaanngikkaluarpalluunniit imaluunniit katsorsarneqarsinnaanngikkaluarpalluunniit, assersuutigalugu taamatut ilisimatinneqarnerminni inuunerminni pilersaarusiorsinnaaniassagamik.

Napparsimasut allat peqqissutsimut tunngatillugu misissortinnermi annertuumik nappaammik nassaarfigitinnertik pillugu utertitsivigineqarusunngilluinnartarput. Taamaattorli ilisimassavat peqqissutsimut tunngatillugu misissortinnermi annertuummik nappaammik nassaarfigitinneq pillugu paasitineqannginnissat toqqarsimagaluarukkuluunniit nappaammik nassaarfigitinnerit ilinnut ilaqtannullu peqqissutsikkut annertuumik sunniuteqarsinnaanera pissutigalugu nakorsap ilisimatittariaqarsinnaavaatit.

Misissortinnerup qanigisannut qanoq sunniuteqarnissaa

Nappaammik kingornuttakkamik nassaarnek ilinnut illillu qanigisannut kingunerluuteqarsinnaavoq, tassami qanigisatit allanngoriartornerik siulissinneersunik kingornussisinnaammata. Taamaammat misissuinerit inernerisa tignerinneranni taakku qanigisannut qanoq ingerlateqqinnissaannut tunngatillugu oqaloqatigereersinnaavatit. Qanoq ilioruit pitsaanerussanersoq paasiniarlugu nakorsaq oqaloqatigisinnaavat.

Ilisimasat nutaat

Timip sananeqaatai kingornunneqarsinnaasut pillugit taakkulu sunniutaat pillugit siunissami ilisimasaqarnerulertussaavugut. Tassa imaappoq nappaammut illit misissortiffigisannut sunniuteqarsinnaasumik nutaanik ilisimasaqartoqalersinnaavoq. Aamma misissortinnivit katsorsartinnivilluunniit naammassereernerani taama pisoqarsinnaavoq. Tassa illit misissorneqarnerit naammassereermat attavigineqarusunnerlutit nammineeerlutit aalajangissavat. Ilisimasat nutaat pillugit attavigineqarnissannut akuersiguit imaanngilaq DNA-t pillugu akulikitsumik misissorteqqittassasutit. Tamatuma saniatigut ilisimatusarnermut tunngatillugu nammineq aalajangiisnaatitaanerit pillugu ilanngussa 2-mi paasisaqarnerusinnaavutit.

Paasissutissat illit timivit sananeqaataanut kingornunneqarsinnaasunut tunngasut pillugit aalajangiisnaanerit

Paasissutissat illit timivit sananeqaataanut kingornunneqarsinnaasunut tunngasut misissortinnernit aallaavillit pillugit inatsisitigut aalajangikkamik aalajangiinissannut

pisinnaatitaaffeqarputit, aamma taakku paasissutissat akuersinermut immersugassami allermi eqqaaneqartut eqqarsaatigalugit Nationalt Genom Centerimi toqqorsimasuutigineqartunut tunngatillugu inatsisitigut aalajangikkamik aalajangiinissannut pisinnaatitaaffeqarputit. Peqqinnissaq pillugu ilisimatusarnermi illit timivit sananeqaataanut kingornunneqarsinnaasunut tunngatillugu paasissutissat ilisimatuunit ilanngunneqarnissaat kissaatigingikkukku timip ipiutaasaanik atuinissamut tunngatillugu nalunaarsuiffimmi nalunaarsorsimassaatit. Illit aalajangiinnaatitaanerit pillugu ilanngussami 2-mi ilisimatusarnermi paasisaqarnerusinnaavutit.

[Paasissutissanik timip sananeqaataanut kingornunneqarsinnaasunut tunngasunik toqqorsimasuuteqarneq aamma paasissutissanik isumannaatsuutitsinissaq](#)
Paasissutissat illit sananeqaatinnut kingornunneqarsinnaasunut tunngasut Nationalt Genom Centerimi toqqorsimasuutigineqassapput. Paasissutissat ilinnut tunngasut qaffasissumik isumannaatsuutitsinissaq aallaavigalugu toqqorsimasuutigineqassapput aamma atorneqassapput. Paasissutissanik isumannaatsuutitsinissamut aamma National Genom Centerimut tunngatillugu www.ngc.dk -mi paasisaqarnerusinnaavutit.

Nationalt Genom Center Nunamut Namminermt Peqqissutsimullu ministereqarfiup ataaniippoq, taannalu uani inissisimavoq Ørestads Boulevard 5, 2300 København S. Nationalt Genom Center ugguuna attavigineqarsinnaavoq: kontakt@ngc.dk, imaluunniit oqarasuaammut: 24 97 17 65.

Tamatuma saniatigut ilanngussaq 1 takusinnaavat, tassani paasissutissat illit sananeqaatinnut kingornunneqarsinnaasut aamma paasissutissanik isumannaatsuutitsinissaq pillugu paasisaqarsinnaavutit.

[Attaveqarnissamut paasissutissat](#)

Apeqqtissaqaruit imaluunniit akuersisimaninnut tunngatillugu allanngortitsinissat kissaatigigukku katsorsartiffigisimasannut attaveqarnissannut tikilluaqqusaavutit.

Ilangussaq 1: Timip sananeqaataanik kingornunneqarsinnaasunik annertuumik misissuinermut atatillugu Nationalt Genom Centerimi illit paasissutissaatinik toqqorsimasuuteqarneq

Pingajussaanik saqqummersitaq

Timip sananeqaataanik kingornunneqarsinnaasunik annertuumik misissueqqissaarnermit paasissutissat Nationalt Genom Centerimi toqqorsimasuutigineqarput

Nationalt Genom Center suua?

Nationalt Genom Center Namminermit Peqqissutsimullu ministereqarfiup ataani aqutsisoqarfiuvoq. Peqqinnissaqarfimmi timip sananeqaataanik kingornunneqarsinnaasunik annertuumik misissortikkuit paasissutissat ilinnut tunngasut National Genom Centerimi toqqorsimasuutigineqalissapput.

Napparsimasut iluaalliuutaat allallu ilisimasat atorlugit tulluarsakkamik katsorsaanissamik, aamma nakorsaatini inummut tulluarsakkanik taaneqartumik ineriartortitsinissaq siunertaralugu nakorsat ilisimatuullu ikiorniarlugit National Genom Centerimi sulivugut. Nakorsaatini inummut tulluarsakkani pineqarput: nappaammik suussusersiineq, katsorsaaneq pinaveersaartitsinerlu, taakkulu annerpaartaatigut napparsimasunut ataasiakkaanut tulluarsarneqartarput. Danmarkki tamakkerlugu nutaaliaasumik kingornuttakkanik misissueqqissaartarnermut (annertuumik timip sananeqaataanik misissuinermit) tunngatillugu aamma paasissutissanik annertuumik misissueqqissaarnissamut tunngatillugu nakorsat ilisimatuullu iserfissaqarnissaannut tunngatillugu nuna tamakkerlugu ineriartortitsinissamut centeri akisussaasuvoq. Maannakkut siunissamilu napparsimasunut pitsaanerumik atugassaqartitsinissaq anguniarneqarpoq.

Paasissutissat illit timivit sananeqaataanut kingornunneqarsinnaasunut tunngassutillit aamma inuup normuanut tunngassutillit nuna tamakkerlugu supercomputersystemimi immikkut toqqorsimasuutigineqarput. Paasissutissat ilinnut tunngasut Nationalt Genom Centerimi illersorneqarluarput. Paasissutissat ilinnut tunngasut aamma napparsimasunut allanut tunngasut illersorneqarnissat National Genom Centerimi pingaarnerpaavoq, aamma isumannaatsuutitsinermit tunngatillugu periaatsimik sukannersumik ineriartortitsinikuuvugut.

Paasissutissat isumannaatsuunissaat aamma Nationalt Genom Center pillugu uani paasisaqarnerusinnaavutit www.ngc.dk.

Paasissutissat illersornissaannut siunnersorti

Nunamut Namminermit Peqqissutsimullu ministereqarfimmi ataatsimut paasissutissat illersornissaannut siunnersorteqarpugut (DPO), taannalu naalakkersuisoqarfimmi atorfeqarpoq. DPO ilaatigut paasissutissanik illersuinissamut tunngatillugu malittarisassat pillugit naalakkersuisoqarfimmik siunnersuinissamut ministereqarfimmilu suliffinnik siunnersuinissamut suliassaqarpoq. Ministereqarfiup aamma suliffeqarfiit inunnet tunngatillugu paasissutissanik suliarinninnerannut tunngatillugu DPO innuttaasunit attavigisartakkatut aamma atuuffeqarpoq.

DPO attavigigukku saaffiginnissutit Nationalt Genom Centerimut tunngassuteqarnerseq DPO ilisimatissavat. Saaffiginnissutit paasissutissanik

illersuinissamut tunngassuteqanngitsut Nationalt Genom Centerimut uunga nassiateqquneqarput: kontakt@ngc.dk.

Paasissutissat illersornissaannut siunnersortip attavigineqarnissaanut paasissutissat Paasissutissat illersornissaannut siunnersorti (DPO) Helle Ginnerup-Nielsen
E-mail: databeskyttelse@sum.dk

Allagaq: Allakkatigut saaffiginnikkuit uunga adressilissavat:
Indenrigs- og Sundhedsministeriets departement, Slotsholmsgade 10-12, 1216
København K, Att.: Databeskyttelsesrådgiver.

Digitalikkut allagaq: Digitalikkut saaffiginnikkuit ima qulequtserlugu allaqquneqarputit: "Databeskyttelsesrådgiver"

Saaffiginninninni ilinnut tunngatillugu imaluunniit inuk alla pillugu paasissutissat mianerisassanik isertuussassanilluunniit imaqarpata (assersuutigalugu peqqissutsimut tunngasut inuulluunniit normuanut tunngasut) paasissutissat illersornissaannut siunnersortimut saaffiginnissutit nassiatissagit imaluunniit e-mail isumannaatsoq imaluunniit www.borger.dk iserfigalugu Digital Postikkut saaffiginninnissat innersuussutigissavarput.

Nationalt Genom Centerip inuit pillugit paasissutissanik suliarinnittarnera pillugu [uani](#) paasisaqarnerusinnaavutit.

Paasissutissat ilinnut tunngasut suut pissarsiaaravut?

Illit pillutit peqqissutsimut tunngatillugu paasissutissat nunap immikkoortuaneersut Nationalt Genom Centerip pissarsiarai. Taamaammat paasissutissat ilinnut tunngasut Nationalt Genom Centerimi qanoq toqqorsimasuutigissanerivut qanorlu suliarissanerivut ilisimatinneqarputit.

Paasissutissat ilinnut tunngasut suut pissarsiaaravut?

Uku ilinnut tunngasut pissarsiaaravut

- paasissutissat timip sananeqaatai kingornuttakkat
- paasissutissat peqqissutsimut tunngasut
- paasissutissat pillugit paasissutissat
- Inuup normua

Paasissutissat illit timivit sananeqaataanut kingornunneqarsinnaasunut tunngasut sunik imaqarpat?

Paasissutissat illit timivit sananeqaataanut kingornunneqarsinnaasunut tunngasut illit timinnit tigusiiffigtinnermit aallaaveqarput imaluunniit sooq iluaalliortarninnik aamma/imaluunniit inunnut allanut sanilliullugu sananeqaatinni allanngorarnernik paasissutissiisnaapput. Illit sananeqaatinnik kingornuttakkamik qulaajaaniarluni aamma sunik imaqarnerisooq paasiniarlugu inuup sananeqaataanut kingornuttakkanut allanut sanilliussisoqassaaq.

Sananeqaatinni allanngorannerit pillugit paasissutissat paasissutissaasivimmut toqqorneqassapput. Timivit sananeqaataanik misissuinermet tunngatillugu nutaanik ilisimasaqalerutta nappaammik nassaarfigitinnermi paasissutissinneqarnissamut tunngatillugu illit toqqakkatit aallaavigalugit aamma attavigineqarusunnersutit apeqquataalluni paasissutissat toqqorsimasuutigineqassapput. Paasissutissanik ilinnut tunngasunik nutaamik nassuiaasiussanngilagut.

Peqqissutsimut tunngatillugu paasissutissat sunik imaqarpat?

Sananeqaatinut kingornuttakkanut tunngatillugu paasissutissat ilinnut tunngasut pissarsiarigutsigit aamma Nationalt Genom Centerimut nuunneqarpata paasissutissat peqqissutsinnut tunngasut aamma ass. nappaammik suussusersineqartutut ilimagineqartoq pillugu paasissutissat pissarsiarissavavut. Assersuutigalugu sananeqaatinut kingornuttakkanut tunngatillugu ilisarnaatit paasiniaarlugit aamma paasissutissanik eqqortumik atuinissaq qulakkeerniarlugu aamma paasissutissat nassaarineqaqqissinnaanissaat qulakkeerniarlugu paasissutissat peqqissutsinnut tunngassutillit atorsinnaavavut.

Paasissutissat pillugit paasissutissat sunik imaqarpat?

Sananeqaatinut kingornuttakkanut peqqissutsimullu tunngatillugu paasissutissat ilinnut tunngassuteqartut Nationalt Genom Centerimut nuunneqarpata paasissutissat pillugit paasissutissanik (metadata) taaneqartut aamma pissarsiarisarpavut. Assersuutigalugu sananeqaatinut kingornuttakkanut tunngatillugu peqqinnissaqarfimmi immikkoortortaqaarfik paasissutissanik ilinnut tunngassuteqartunik nassiussimasooq pillugu paasissutissanik pissarsisarpugut. Ulloq tigussiffitinnerit kiisalu maskiina illit misissortinninni atorineqarsimasooq sumi suliarineqarsimanersoq sunalu modelerineraa paasissutissiissutigineqarsinnaapput. Assersuutigalugu paasissutissat nuunneqarsimasut paasiniaarlugit, paasissutissanik eqqortumik atuisoqarnissaa qulakkeerniarlugu aamma paasissutissat nassaareqqinneqarsinnaanissaat siunertarlugu paasissutissanik atuisarpugut.

Inuup normut sumut qanorlu atortarparput?

Pisariaqalerpat illit pillutit paasissutissat sananeqaatinut kingornuttakkanut tunngasut paasiniaarlugit inuup normut atussavarput. Paasiuminaallisakkamik atuinikkut inuup normut atussavarput, tassa imaappoq illit inuup normut kodet atorlugit paasiuminaallisarlugu atussavarput. Taamaaliornikkut illit inuup normunni paasissutissat atatikkunnaassavavut.

Referencegenom suua?

Taanna ujarlerfissatut ippoq. Napparsimasup allannguutaa aalajangersimasumik pissuteqarnerooq paasiniaarlugu nakorsat ilisimatuulluunniit paasiniarniaraangassuk ujarlerfissiami ujassavaat taamaalillutillu allannguut qallunaat peqqissut akornanni agguaqatigiissillugu nalinginnaasuunersoq allaanerunersorluunniit paasisinnaassavaat.



Paasissutissat ilinnut tunngasut qanoq toqqorsimasuutigisarpavut aamma qanoq suliarisarpavut?

Qanoq siviutigisumik paasissutissat ilinnut tunngasut toqqorsimasuutigissavavut? Illit napparsimasutut katsorsarneqarninnut atatillugu aallaaviatigut paasissutissat ilinnut tunngasut pissarsiareerneranniit ukiuni 30-ni toqqorsimasuutigissavavut. Tamatuma kingorna paasissutissat ilinnut tunngasut pigiunnaarumarpavut



imaluunniit allagaateqarfeqarneq pillugu inatsit naapertorlugu allagaataasivimmut tunniukkumarpavut.

Nationalt Genom Centerimi nuna tamakkerlugu sananeqaatinut kingornuttakkanut paasissutissaasivimmi toqqorsimasuutigineqartunut tunngatillugu paasissutissanut akisussaasuuvugut. Tamatuma peqatigisaanik nuna tamakkerlugu nakorsaatinik inummut tulluarsakkanik ineriartortitsinissarpavut ingerlatsinissarpullu suliassaraarput, tassani paasissutissat atuarneqarsinnaasut pissarsiarineqarsinnaassapput. Nationalt Genom Centerimi paasissutissat avatangiisini immikkut isumannaarsukkani taamaallaat suliarisarpavut. Tassa imaappoq sananeqaatinut kingornuttakkanut paasissutissaasivimmiittut paasissutissat aaneqarsinnaanngillat imaluunniit nassiunneqarsinnaanngillat.

Paasissutissanik ilinnut tunngasunik suliaqarnermi suna siunertaava?

Paasissutissat ilinnut tunngasut taamaallaat suliarissavavut ukununga tunngatillugu pisariaqarpat

- nappaammik pinaveersaartitsineq
- nappaammik suussusersineq
- napparsimasunik paaqutarinninneq
- napparsimasumik katsorsaaneq
- nakorsaqaarnermut peqqissutsimullu tunngatillugu kiffartuussinermik aqutsineq

Inuiaqatigiinnut annertuumik pingaarutilinnik kisitsisitigut paasissutissanut ilisimatusarnermulluunniit atatillugu misissuinissaq kisiat siunertarineqarpat aamma misissuinermi katsorsaaneq pisariaqarpat paasissutissat ilinnut tunngasut suliarisinnaavavut.

Nationalt Genom Centerimi siunertamik killiliineq eqqarsaatigalugu inatsisitigut aalajangersakkat malillugit sulivugut. Tassa imaappoq peqqissutsimut tunngatillugu inatsimmi allasimasut naapertorlugit paasissutissat ilinnut tunngasut taamaallaat

siunertarineqartunut aamma killiliussat iluanni siuliani nassuiarneqartunut tunngatillugu suliarisinnaavavut.

Napparsimasunik katsorsaanissaq siunertaralugu paasissutissat ilinnut tunngasut suliarineqarnissaat qanoq paasisariaqarpa?

Napparsimasunik katsorsaanissaq siunertaralugu paasissutissat ilinnut tunngasut suliarineqarnerat ima paasisariaqarpoq – paasissutissat napparsimasumik katsorsaanissamut toqqaannartumik attuumassutillit suliarineqarsinnaapput. Assersuutigalugu tassaasinnaapput pitsaassutsimik qulakkeerinnineq, periaatsimik ineriartortitsineq, sumiiffimmi katsorsaaffiusumi peqqinnissakkut sullissisunik ilinniartitsineq aamma akuttunngitsumik assingusunik suliaqartarnerit toqqaannartumik katsorsaanissamut attuumassutillit.

Pisut ilaanni paasissutissat ilinnut tunngasut napparsimasunik allanik katsorsaanermut atatillugu suliarineqarsinnaapput, aamma paasissutissat ilinnut tunngasut katsorsaanissaq siunertaralugu peqqinnissakkut sullissisunut ingerlateqqinneqarsinnaapput.

Nappaatip kingornuttakkap suussusersineqarnera

Paasissutissat illit timivit sananeqaataanut kingornunneqarsinnaasunut tunngasut eqqarsaatigalugit inummi misissorneqartumi nappaatip qanigisani nappaatigineqarnissaata aarlerinaatilerujussuuneranik takutitsinnaapput, assinganik timip sananeqaataanik allannguummik pigisaqarpata. Pisut ilaanni inuup misissorneqartup qitornaani/angajoqqaavini/qatanngutaani nappaateqarnissaa 50%-imik ilimanaateqarpoq. Taamaammat paasissutissat ilinnut tunngasut Nationalt Genom Centerimiittut illit qanigisavit peqqissusiinut tunngasunik paasissutissanik toqqaannanngitsumik imaqarsinnaanerat eqqumaffigissavat.



kisitsisitigut paasissutissanut ilisimatusarnermulluunniit atatillugu misissuinerit siunertaralugit paasissutissanik ilinnut tunngasunik suliaqarneq qanoq paasisariaqarpa?

Inuiaqatigiinnut annertuumik pingaarutilinnik kisitsisitigut paasissutissanut ilisimatusarnermulluunniit atatillugu misissuinessaq siunertaralugu paasissutissanik suliaqarnermi paasissutissat ilinnut tunngasut ilisimatusarnermi atorineqarsinnaanerat pineqarpoq. Taamaattorli paasissutissat ilinnut tunngasut ilisimatusarnermi atorineqarnissaannut pisariaqartuunissaat piumasaqaataavoq aamma ilisimatusarnerup ilisimatusarnermi ileqqorissaarnissamut ataatsimiititaliamit akuerineqarsimanissaat piumasaqaataavoq. Iluaalliuutinik qanoq pisaanerusumik eqqornerusumillu katsorsarneqarsinnaaneranik qulakkeerinninnissamut tunngatillugu ilisimatusarnikkut paasisat peqqinnissaqarfimmut iluaqutaasarput.

Paasissutissat ilinnut tunngasut ilisimatusarnermi suliniutinut pingaaruteqarput. Taamaammat paasissutissat illit timivit sananeqaataanut kingornunneqarsinnaasunut tunngassutillit Nationalt Genom Centerimi ilisimatusarnermi atugassatut ilisimatuut pissarsiarisinnaarusuppaat. Aamma paasissutissat ilinnut tunngasut nappaatinik allanik ilisimatusarnermi atorineqarsinnaapput. Tassunga atatillugu paasissutissat illit timivit

sananeqaataanut tunngasut kingornunneqarsinnaasut paasissutissanut allanut, allanit pissarsiarineqarsimasunut, assersuutigalugu qallunaat peqqissutsimut nappaatinullu tunngatillugu nalunaarsuiffiannit pissarsiarineqarsimasunut atassuserneqarsinnaapput.

Ilisimatusarnermi suliniutini assigiinngitsuni paasissutissat ilinnut tunngasut atorineqarsinnaanerit eqqumaffigissavat. Aamma paasissutissat ilinnut tunngasut ilisimatusarnermi suliniutini assigiinngitsuni najoqqutassatut aamma nakkutillinermit najoqqutassatut atorineqarsinnaapput.

Peqqissutsimut tunngatillugu paasissutissat peqqissaarulluinnarlugit suliarineqarnissaat pillugu innuttaasutut piunasaqarsinnaavutit. Taamaammat misissueqqissaarnermit inernerit – tassa paasissutissat ilinnut tunngassuteqanngitsut – ilisimatusarnermi suliniutini atorineqarsinnaapput. Misissueqqissaarnermit inernerit, ilisimatusarnermi suliniutit sorliit attaveqaasersuutilerisunit atorineqarsinnaanerannut tunngatillugu Nationalt Genom Centerimi assigiinngitsunik malittarisassiornikuuvugut.

Sananeqaatinik kingornuttakkanik ilisimatusarnermi malittarisassat nalinginnaasut pillugit ilisimatusarnermi ileqqorissaarnissamut ataatsimiititaliap nittartagaani paasisaqarnerusinnaavutit:

[Veiledning om genomforskning og forskning i sensitive bioinformatiske data | De Videnskabetiske Komitéer \(videnskabsetik.dk\)](#)

Ilisimatusarnermi suliniutit Nationalt Genom Centerimi paasissutissanik atuiffiusut pillugit nittartakkatsinni paasisaqarnerusinnaavutit: [Forskning og internationalt samarbejde \(ngc.dk\)](#)

Timip ipiutaasaanik atuinissamut nalunaarsuiffik (Vævsanvendelsesregisteret) Paasissutissat ilinnut tunngasut ilisimatusarnermi atorineqarnissaat kissaatiginngikkukku Timip ipiutaasaanik atuinissamut nalunaarsuiffimmut nalunaarsortissaatit. Peqqissuseq pillugu paasissutissanik aqutsisoqarfimmut allagaqarnikkut imaluunniit www.borger.dk aqqutigalugu allagaqarnikkut Timip ipiutaasaanik atuinissamut nalunaarsuiffimmut attaveqarsinnaavutit.

Timip ipiutaasaanik atuinissamut nalunaarsuiffimmi nalunaarsortinnissannut ilitsersuut nittartakkatsinni nassaarisinnaavat:

[Blanketter og vejledninger \(ngc.dk\)](#)

Paasissutissat ilinnut tunngasut kikkunnet ingerlateqqissavavut?

Peqqinnissakkut sullissisut

Napparsimasunik katsorsaanitsinnut atatillugu paasissutissat timip sananeqaatai kingornuttakkat pillugit peqqinnissakkut sullissisut avitseqatigissavavut.



Timip ipiutaasaanik atuinissamut nalunaarsorsimaffimmut ilanngussimangikkuit paasissutissat ilinnut tunngasut nakorsaatnik ilisimatusarnermi atugassanngorlugit ingerlateqqissinnaavavut.

Naammagittaalliuteqartarfik, Eqqartuussivik aamma Napparsimasut isumannaatsuunissaat pillugu aqutsisoqarfik



Paasissutissat ilinnut tunngasut naammagittaalliornermi atorneqassappata peqqinnisaqarfimmut tunngatillugu naammagittaalliornissamut taarsiisuteqartarnermullu tunngatillugu inatsit naapertorlugu naammagittaalliutit taarsiisuteqartarnermullu sulianik suliarinninnermi atugassanngorlugit ingerlateqqissinnaavavut.

Akuersissuteqartarnermut inatsit imaluunniit peqqinnisaaq pillugu inatsit malillugit paasissutissat ilinnut tunngasut aqutsisoqarfimmi nakkutilliinermi suliasanik isumaginninnermi atorneqassappata paasissutissat ilinnut tunngasut Napparsimasut isumannaatsuunissaat pillugu Aqutsisoqarfimmut ingerlateqqissinnaavavut,

Immikkut ittumik pisoqartillugu paasissutissat ilinnut tunngasut politiinut ingerlateqqinneqarnissaannik eqqartuussisoq aalajangersinnaavoq, taamaattorli peqqarniisaarniarnermik peqqarniisaarniarnermulluunniit assingusumik iliutsinik paasiniaanermut atatillugu aatsaat pineqarpata.

Suleqatigisartakkt paasissutissanik pissarsisartut

Supercomputer pillugu aamma paasissutissat illit timivit sananeqataanut kingornunneqarsinnaasunut tunngasut sumi toqqorsimasuutigineqarnerat pillugu Peak Consulting Group aqqutigalugu Nationalt Genom Centeri Danmarks Tekniske Universitetimik (DTU) aamma Rook IT-mik qanimut suleqateqarpoq. Taamaattorli DTU paasissutissanik ilinnut tunngasunik takunnissinnaanngilaq. Naalagaaffiup IT-anik, Peqqissutsimut ministerqarfiup, KMD-ip aamma Sundhedsdatastyrelsenip ingerlataanik Nationalt Genom Center it-systemeqarpoq imaluunniit Nationalt Genom Center sinnerlugu tapersersuisunik tassani paasissutissat ilinnut tunngasut suliarineqartarput, uanili paasissutissat illit timivit sananeqataanut kingornunneqarsinnaasunut tunngasut pineqanngillat. Paasissutissanik sullissisut peqatigalugit paasissutissanik sullissisut pillugit isumaqatigiissusiarsimavugut, aamma malittarisassat malillugit isumaqatigiissutit taakku eqqortinneqarnissaannik nakkutilliivugut.

Suut pisinnaatitaaffigaagit?

Paasissutissanik illersuinnissamut peqqussut (GDPR) malillugu paasissutissanut akisussaasut Nationalt Genom Centerimi pisinnaatitaaffitit eqqortittussaavavut.

Pisinnaatitaaffitit Nationalt Genom Centerimut atorusukkukkit ugguuna
attavigineqarsinnaavugut
Mail: kontakt@ngc.dk
Telefon: 24 97 17 65.

Pisinnaatitaaffitit naatsumik ataani nassuiarneqarput.

Datatilsynetip nittartagaani pisinnaatitaaffitit pillugit paasisaqarnerusinnaavutit:
[Hvad er dine rettigheder \(datatilsynet.dk\)](http://datatilsynet.dk)

Nalunaarsorneqarsimasup pisinnaatitaaffii pillugit Datatilsynetip ilitsersuutaa
aamma tassani nassarisinnaavat.

[Paasissutissat ilinnut tunngasut takunissaannut pisinnaatitaaffiit](#)

Illit pillutit paasissutissanik suliaqarnitta assilineranik kiisalu paasissutissanik ilinnut
tunngasunik suliaqarnitsinnut tunngatillugu paasissutissat ilassutaasut
assigiingitsut assilineranik pissarsinissannut pisinnaatitaaffeqarputit.
Takunnissinnaatitaaneq pillugu peqqussummi artikeli 15.

[Paasissutissat ilinnut tunngasut aaqinneqarnissaannut peerneqarnissaannulluunniit tunngatillugu pisinnaatitaaffik](#)

Pisut ilaanni paasissutissat inummut tunngasut eqqunngitsut pisariaqanngitsunik
utaqqisinneqaqqaarnak paasissutissanut akisussaasumit aqqitsinnissaannut
imaluunniit peerneqarnissaannut pisinnaatitaaffeqarputit.

Peqqussummi artikeli 16 aamma artikeli 17.

Taamaattorli paasissutissat Nationalt Genom Centerimi peerneqarnissaat tamatigut
pisinnaajuaannangilaq, tassami paasissutissanik toqqorsimasuuteqarnissatsinnut
pisussaaffeqaratta, assersuutigalugu illit katsorsarneqarninnut nakorsaq qanoq
aalajangiisimaneranut tunngatillugu. Nalinginnaasumik inatsisitigut
tunngavissaqarutta paasissutissat ilinnut tunngasut peersinnaassavavut imaluunniit
aaqqiissuteqarfigisinnaassavavut. Paasissutissanik ilinnut tunngasunik
oqartussaasut uppernarsaasinnaasariaqarnerat, assersuutigalugu
naammagittaalliuutinut tunngatillugu uppernarsaasinnaasariaqarnerat tamatumani
pissutaavoq.

*Oqartussaasut ingerlatsinermik inatsiseqartitsinermi malittarisassat nalinginnaasut, allagaateqarneq
pillugu inatsit il.il. oqartussanit aamma Nationalt Genom Centerimit atuuttut malinneqarput.*

[Paasissutissat ilinnut tunngasut killilimmik suliarineqarsinnaanissaannut tunngatillugu pisinnaatitaaffik](#)

Pisut ilaanni paasissutissat ilinnut tunngasut killilimmik suliarineqarnissaannut
tunngatillugu pisinnaatitaaffeqarputit. Timip ipiutaasaanik atuinermut
nalunaarsuiffimmut nalunaarnikkut paasissutissat ilinnut tunngasut killilimmik
suliarineqarsinnaanissaannut pisinnaatitaaffeqarnerit eqqaamassavat.

Peqqussummi artikeli 18.

Akerliliissuteqarnissamut pisinnaatitaaffik

Pisuni immikkut ittuni ilinnut tunngatillugu paasissutissanik suliarinninnermik akerliliissuteqarnissannut pisinnaatitaaffeqarputit.

Peqqussummi artikeli 21.

Naammagittaalliornissamut pisinnaatitaaffik

Nationalt Genom Centerimi ilinnut tunngatillugu paasissutissanik suliarinninnerput naammaginngikkukku Datatilsynetimut naammagittaalliorsinnaatitaavutit.

Datatilsynetip attaviginissaanut paasissutissat [Kontakt \(datatilsynet.dk\)](https://datatilsynet.dk)-imi nassaa risinnaavatit.

Paasissutissanik ilinnut tunngasunik suliaqarnermut tunngatillugu inatsisitigut tunngavigineqartut pillugit paasisaqarnerorusupit?

Nationalt Genom Center pillugu malittarisassat peqqinnissaq pillugu inatsimmi kapitali 68-imi §§ 222-223-imi b-mi nassaarineqarsinnaapput. Peqqinnissaq pillugu inatsimmi § 223, imm. 1 aamma 2 naapertorlugit paasissutissanik timip sananeqaataanik kingornunneqarsinnaasunik Nationalt Genom Centerip katersinera pillugu peqqissutsimut ministeri nalunaarummik nr. 360, 4.april 2019-imeersumik atuutilersitsisimavoq, tassani paasissutissat timip sananeqaataanik kingornunneqarsinnaasut qanoq annertutigisut Nationalt Genom Centerimut nalunaarutigineqartassanersut malittarisassiorneqarput.

Peqqinnissaq pillugu inatsimmi § 223-mi siunertamik killiliinnermut tunngatillugu napparsimasunik katsorsaannermit ilisimatusarnermullu kiisalu paasissutissanik ataatsimoortitsinissamut, tassunga ilanngullugit paasissutissanik timip sananeqaataanut kingornunneqarsinnaasunut tunngasunik aamma paasissutissanik peqqissutsimut tunngasunik paasissutissanik, paasissutissiivinnit assigiinngitsuneersunit, tassunga ilanngullugu napparsimasut pillugit allattuiffinneersunit, nalunaarsorsimaffinneersunit, paasissutissanit katersaneersunit aamma biobankineersunit il.il. katersinissamut Nationalt Genom Center periarfissaqarpoq.

Tamatuma saniatigut Nationalt Genom Centerip suliassanik sularinninneranut attuumassuteqartunik siunertaqarluni paasissutissanik inunnut tunngasunik Nationalt Genom Centerip suliaqarsinnaanera inatsisit oqaasertaliussaanni allassimavoq, tassunga ilanngullugit peqqinnissaqarfimmut tunngatillugu naammagittaalliornissamut taarsiissuteqartarnermullu tunngatillugu inatsit naapertorlugu naammagittaalliuutinik taarsiissuteqarnissamilluunniit suliarik suliaqarnermi atugassanik imaluunniit akuersissuteqartarnermut inatsit imaluunniit peqqinnissaq pillugu inatsit malillugu Napparsimasut isumannaatsuunissaat pillugu aqutsisoqarfiup nakkutilliinnermi suliarik sularinninnerani atugassanik Nationalt Genom Centeri paasissutissanik ingerlatitseqqissinnaavoq.

Nationalt Genom Centerip paasissutissanik inunnut tunngassutilinnik suliaqarsinnaanera aamma qallunaat paasissutissanik illersuinnermut inatsisaanni kiisalu paasissutissanik illersuinissamut peqqussummi – Europa-Parlamentip aamma Rådets forordningimi (EU) 2016/679, 27.april 2016-imeersumi malittarisassiorneqarpoq.

Paasissutissanik illersuinissamut peqqussummi artikeli 6, imm. 1, litra 2 naapertorlugu Nationalt Genom Center paasissutissanik inunnut tunngassuteqartunik katersisarpoq suliaqartarlunilu, tassunga ilanngullugit paasissutissat pillugit paasissutissanik napparsimasunik katsorsaannermi ilisimatusarnermilu atugassanik katersisarlanilu suliaqartarpoq, paasissutissanik illersuinissamut inatsimmi § 6 takuuk.

Paasissutissanik illersuinissamut peqqussummi artikeli 9, imm. 2 immikkut naapertorlugu paasissutissanik peqqissutsimut tunngassutilinnik napparsimasunik

katsorsaannermi atugassanik Nationalt Genom Center katersisarlungilu suliaqartarpoq, paasissutissanik illersuinissamut inatsimmi § 7, imm. 3 takuuk.

Paasissutissanik illersuinissamut peqqussummi artikeli 9, imm. 2, litra h immikkut naapertorlugu Nationalt Genom Center paasissutissanik timip sananeqaataanut kingornunneqarsinnaasunut tunngasunik katersisarpoq suliaqartarlungilu, paasissutissanik illersuinissamut inatsimmi § 7, imm. 3 takuuk.

Paasissutissanik illersuinissamut inatsimmi § 10, imm. 1 naapertorlugu immikkut ilisimatusarnermut atugassanik Nationalt Genom Center paasissutissanik peqqissutsimut tunngassuteqartunik aamma timip sananeqaataanut tunngassutilinnik katersillunilu suliaqartarpoq.

Paasissutissat timip sananeqaataanut kingornunneqarsinnaasunut tunngasut napparsimasup katsorsarneqarneranut atatillugu inuup tigusiffiqineqarneranut tunngassuteqarnerat aamma Nationalt Genom Centerimi toqqorsimasuutigineqartut peqqinnissaq pillugu inatsimmi § 46, imm. 1-imi imaluunniit 2-mi piunasaqaatit naammassineqarpata ilisimatusarnermi suliniummumut aalajangersimasumut atugassanngorlugit ingerlateqqinneqarsinnaaneranut peqqinnissaq pillugu inatsimmi § 32, imm. 1-imi allassimavoq, timip ipiutaasaanik atuinissamut nalunaarsuiffimmi § 29, imm. 1 2-lu malillugit napparsimasooq aalajangikkani pillugu nalunaarsortissimannngippat.

Paasissutissanik illersuinissamut inatsimmi § 11, imm. 1 tunngavigalugu Nationalt Genom Center paasissutissanik inuup normuinut tunngasunik suliaqartarpoq.

Pillaasarnermik inatsimmi § 114-mik imaluunniit § 114 a-mik unioqqutitsineramik paasiniaaneq pineqarpat eqqartuussisarnermik inatsimmi § 804 malillugu eqqartuussutip inernerat tunngavigalugu paasissutissanik inunnut tunngassuteqartunik Nationalt Genom Center ingerlatitseqqissinnaavoq, Peqqinnissaq pillugu inatsimmi § 223 b, imm. 2 takuuk .

Ilanngussaq 2: Ilisimatusarnermut atatillugu illit aalajangiinnaatitaanerit

Paasissutissat illit timivit sananeqaataanut kingornunneqarsinnaasunut tunngassutillit misissortinninni aamma/imaluunniit katsorsartinninni atorineqarsinnaapput, taamaattorli oqartussaasut attuumassutillit akuersereernerisigut, assersuutigalugu ilisimatusarnermi ileqqorissaarnissamut ataatsimiititaliap akuersereerneratigut ilisimatusarnermi suliniutinut ilanngunneqarsinnaapput.

Paasissutissat illit timivit sananeqaataanut kingornunneqarsinnaasunut tunngasut ilisimatusarnermi atorineqarnerisigut siunissami napparsimasussanut iluaqutaasumik katsorsaaneq pillugu nutaanik ilisimasaqartoqalernissaanut ikiuissaatit.

Misissueqqissaarnermit inernerit siunertanut illit nammineq katsorsartinnivit siunertavillu saniatigut atorineqarsinnaassanersut nammineerlutit aalajangissavat. Siunertat illit katsorsartinninnut attuumassuteqartut, assersuutigalugu tassaasinnaapput pitsaassutsimik qulakkeerinnineq, periaatsimik ineriartortitsineq, sumiiffimmi katsorsaaffiusumi peqqinnissakkut sullissisunik ilinniartitsineq.

Tassa paasissutissat ilinnut tunngasut assersuutigalugu peqqinnissaq pillugu ilisimatusarnermi atorineqarsinnaanersut nammineerlutit aalajangissavat. Paasissutissat ilinnut tunngasut ilisimatusarnermi atorineqarnissaat kissaatiginngikkukku Timip ipiutaasaanik atuinissamut nalunaarsuiffimmut nalunaassaatit. Borger.dk aqutugalugu MitID atorlugu imaluunniit Nationalt Genom Centerip nittartagaani www.ngc.dk -mi immersugassap immersorneratigut nalunaarsinnaavutit. Aamma tassani Timip ipiutaasaanik atuinissamut tunngatillugu nalunaarsuiffik pillugu paasissutissanik paasisaqarnerusinnaavutit.

Ilisimatusarnermi malittarisassat atuuttut malillugit ilisimatusarnermut atatillugu paasissutissanik illit timivit sananeqaataanut kingornunneqarsinnaasunut tunngassutillinnik atuisoqarnissaa eqqumaffigissavat. Tassa ilaatigut peqqissutsimut tunngatillugu misissortinnermi nappaammik nassaarfigitinnermi utertitsivigineqarnissaq pillugu aalajangikkannut tunngatillugu akuersinermut immersugassami toqqarsimasatit ilisimatusarnermut atatillugu nappaatinik allanik nassaarnermut atuutinngillat. Tassa imaappoq nappaammik nassaarfigitinneq peqqissutsimut annertuumik sunniuteqassappat aamma nappaammik pinaveersaartitsinissamut imaluunniit nappaammik katsorsaarnissamut tunngatillugu pingaaruteqarpat ilisimatusarnermi suliniutinut atatillugu nappaatit paasineqartut allat pillugit utertitsivigineqarsinnaassaatit.